

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Vacatione, Amissione, Et Extinctione Beneficiarvm ...

Leuren, Peter

Coloniæ Agrippinæ, 1704

468. Pro quo tempore debeant remanere illi centum ducati liberi pro
Rectore, & illi 1000. pro Episcopo, ut pensio imposita sit & maneat valida.

[urn:nbn:de:hbz:466:1-74494](#)

seu Ecclesiis Cathedralibus, quārum reditus annui in vero valore non excedunt summam mille ducatorum, constitui nequit pensio; gravari autem possunt pensiones, si dictam summam excedunt hi reditus; sed non nisi in eo, in quo dictam summam excedunt, ita ut semper Episcopo mille ducati remaneant liberi ab omni obligatione & onere; & sic, dum imponitur iis pensio, apponitur semper clausula: *dummodo mille remaneant pro Episcopo.* Garc. p. 1. c. 5. n. 393. & 394. Azor loc. cit. Paris. loc. cit. n. 34. dicens hoc Decretum Trid. esse in virtute observantia. Castrop. loc. cit. §. 4. n. 1. Ventrigl. to. 2. annot. 11. §. 1. n. 40. qui etiam n. 46. addit, quod omisso dicta clausula: *dummodo*, sit evidens signum, quod Papa sciens ac volens gravat talem Episcopum, licet ejus fructus tenuis essent, & derogaret Concilio; & citat pro hoc Rotam in Ferentina, pens. 23. Jan. 1602. Valor autem illorum ducatorum mille remanentium Episcopo intelligitur juxta valorem ducatorum illius regionis, in qua est Episcopatus. Garc. loc. cit. n. 373. Lott. l. 1. q. 11. n. 27. Ventrigl. loc. cit. n. 41. Barbos. juris Eccles. l. 3. c. 11. n. 69. Zechius de rep. Eccles. c. 28. n. 4. Porro Episcopatibus Hispania, quia opulentiores sunt, soleat Regem (qui in omnibus jupastronatus habet) ex auctoritate Papae expediendas pensiones reservare usque ad tertiam partem, testantur Azor. loc. cit. Garc. n. 395. Paris. loc. cit. n. 39. Unde, ut Azor & Paris in schedulis consistorialibus, Cardinalis, qui Ecclesiam vacante denunciat, & à Papa petit, ut nominatum, praesentatum, oblatum à Rege Episcopum instituat, dicit in hunc modum: *Supplicatur pro expeditione pensionis annua in favorem personae N. qua una sum pensionibus antiquis (intellige, si forte adhuc iis idem Episcopus gravatus sit) non excedit tertiam partem.*

Quæstio 467. An, & qualiter alii beneficiis parochialibus, vel alias curati imponi possit & soleat pensio?

1. Respondeo primò, vel potius suppono, quæstionem hanc non procedere de Parochiis in corporatis alicui monasterio, & imponenda iis pensione in constitutione Vicarii, id enim dictum est supra, fieri posse.

2. Respondeo secundò: Sed neque dubium hic iterum esse posse, quin Papa beneficiis omnibus aliis curati, sive magni, sive exigui valoris pensionem propriè talem, in ea quantitate, qua si bene visa fuerit, imponere possit. Castrop. l.c. n. 1.

3. Respondeo tertio: In parochialibus, quorum valor non excedit centum ducatos, pensio non imponitur juxta decretum Trid. cit. c. 13. Azor p. 2. l. 8. c. 8. q. 5. Paris. l. 6. q. 2. n. 21. Lott. l. 1. q. 36. n. 41. (dicens, reservationem talis pensionis nullam, si illa conditio remanentia centum ducatorum desiceret, et si de cetero consentient titularis etiam in defectu illius dies.) Garc. p. 1. c. 5. n. 372. testantes sic usū, & ex stylo observari, astimato illo valore secundum valorem ducatorum loci, in quo est beneficium. Ventrigl. Garc. (qui tamen n. 373. in fine addit, quod clausula *dummodo* remaneant pro rectore cantam, intelligenda sit de ducatis de Camera, si fructus narrerunt in ducatis de Cameta) Barbos. Castrop. citati pro hoc puncto q. preced. juxta declarationem S. Congreg. Concil. de qua testantur iidem.

4. Respondeo quartò: Si vero parochialis fructus excedunt valorem 100. ducatorum, pensio solet reservari in & pro quantitate excedente dictum

valorem. Garc. l.c. n. 374. Ventrigl. tit. n. 41. Azor. cit. q. 5. Paris. l.c. n. 24. dicens, id mente tenendum; eo quod antiquo tempore non habebatur haec ratio; sed imponebatur pensio, usque ad tertiam partem in omnibus beneficiis, adeoque etiam in curatis, cum clausula: *modo tertiam partem non excedat*: quia haec censebatur iusta pensio.

5. Resp. quintò: In clausula illa apponi solita in constitutione illa pensionis: *modo pro rectore remaneant annuatim centum liberi*: tò liberi importat libertatem ab omni diminutione & gravamine, ut potè in sustentationem parochi delinguati. Garc. n. 376. Castrop. loc. cit. juxta dicta q. preced. de Episcopo. Veruntamen intelligitur hoc ipsum de oneribus & gravaminibus ordinatis, ita ut si deductis oneribus non remaneant liberi isti centum ducati, pensio dicatur nulla. Ventrigl. l.c. n. 44. citans Gig. de pens. q. 96. n. 2. ac dicens sic expreſſe decisum à Rota in Roman. pens. 6. Nov. 1619. qua confirmata fuerit à Rota in Crescentina pens. 6. April. 1620. Nequaquam autem hoc intelligendum de oneribus extraordinariis, & de raro contingentibus, ita ut, si illis deductis non remaneant centū illi ducati, non teneatur propterē pensio nulla, licet minuenda pensio, nisi forte ipsa pensio libera sit & immunitis ab oneribus. Ventrigl. l.c. ex Gig. ubi ante, sic pasim quoque ab aliis tradi assertens. Sic itaque remanere debent illi 100. deductis juribus Episcopali bus per parochium solvendis. Ventrigl. l.c. n. 45. citans Ricc. in pr. p. 3. refol. 109. n. 3. Item detractis expensis pro cera, hostiis, vino pro sacrificio, oleo pro lumine coram Eucharistia, pro musica in festo Sancti, sub cuius invocatione est Ecclesia, pro salario inservientis Missis &c in somnis detractis omnibus necessariis. Ventrigl. cit. n. 45. citans Barbos. de clausula. claus. 47. n. 9. Econtra non requiri, ut remaneant 100. detractis oneribus, quæ possunt per ipsum titularem subiri, & loquendo generaliter detractis oneribus arbitrariis & voluntariis, ibidem tradit. Ventrigl. ex Barbos. ubi ante n. 8.

6. Resp. sextò: Tametsi Castrop. l.c. dicat, numquam Papam censem̄ velle gravare pensione beneficiis parochialia non excedentia valorem centū ducatorum, tradit tamen Ventrigl. l.c. n. 46. quod, si narrato vero valore beneficii curati, nihilominus reserver Papa pensionem in tali quantitate, ita ut non remaneant 100. liberi pro rectore, etiam quod non derogetur expreſſe dispositioni Trid. pensionem fore validam, & censeri tacite derogarum dictæ dispositioni, citat pro hoc Rotam in Gegolensi. tertii partis fructum 25. Maij. 1612. quam referat Barbos. ubi ante claus. 47. n. 11.

7. Resp. septimò: Quod dictum hic de beneficiis parochialibus, idem etiā dicendum de quovis alio curato; cum Trid. loquatur indistincte de Ecclesia curata. Ventrigl. l.c. n. 42. citans Anton. Maceratensis in var. refol. l.c. refol. 31. n. 9. & 10. referentem sic à Rota decisum.

Quæstio 468. Pro quo tempore debeant remanere illi centum ducati liberi pro Rectore, & illi mille pro Episcopo, ut pensio imposita sit & maneat valida?

1. Respondeo: Debet illos remanere pro tempore constituta pensionis, ita ut, si tempore illo seu datâ remanebant (intellige, detractis oneribus ordinariis & necessariis solvendis) illi centum & illi mille, & postea tractu temporis diminuatur, pensio imposita fuerit & remaneat valida, & non cassanda; & econtra, si pro tempore illo constituta

V. A. pensionis

tionis pensionis non remanebant illi mille & centum, et si dein augeantur fructus, pensio ab initio invalida non convalescat; cum in hoc casu semper attendatur tempus data, & conditio illa (nempe remanentia centum pro Rector & mille pro Episcopo) sub qua Papa gratiam pensionis concedit, non debeat stare in supervento, nec variari secundum eventus futuros. In ordine tamen ad reducendam pensionem seu diminuendam, attendendum eriam tempus futurum, ita ut si centum & mille illi remanentes pro tempore constituta pensionis, tractu temporis diminutis fructibus non remaneant amplius, ita ut Rector & Episcopus non possint se sustentare amplius congrue, & onera incumbentia cura praestare, et si pensionem nullari non licet, peti tamē possit eam diminui, & ad convenientem quantitatem reduci. Ita in quam docent Garc. p. 1.c. 5.n. 398. juncto n. 399 & 400. quem sequitur Ventr. l.c. n. 47. juncto n. 48. citantes Navar. conf. 13. de rescrip. Tiber. Salust. in pr. Auditor. Camer. l. 3. c. 1. n. 11. Catar de Graff. Caputq. &c. citatq. specialiter Ventr. l.c. pro posteriori potissimum parte hujus doctrinæ Gig. de pen. q. 5. n. 4. & q. 5. n. 5. & Parl. l. 6. q. 2. n. 147. ubi tamen is expresse solum ait, solere apponi clausulam, quod nullari, reduci aut minui nequeat pensio, quæ nisi addatur, decresceribis dein fructibus seu redditibus, pensionem reddendam invalidam, vel saltem reducendam ad minorem sumam.

2. Eatenus tamen in contrarium se sentire putat Castrop. quatenus cit. §. 4. n. 4. tradit, illos centum pro Rectori, & mille pro Episcopo non solum pro tempore gratia & reservationis verificando esse, sed etiam successu temporis firmos remanentes debere; et quod quantitas illa assignata sit in sustentationem parochi & Episcopi; ad hunc autem effectum aquæ necessaria sit quantitas illa successu temporis, ac tempore gratia; adeoq; licet gratia Papæ quodad presentem valorem non dependeat à futuro eventu, sed à presente conditione, cum de presente constare possit, remaneantne 100. pro Rectori & mille pro Episcopo, quod ad durationem & conservationem valoris gratia hæc gratia pendeat ex futuro eventu dicta conditionis, cui annexitur; & sic conditione hac tractu temporis deficiente, pensio non subsistit, saltem pro illa parte sui, nimirum quæ opus est ad supplendum, quod deficit, ex illis centum Rectori, vel ex illis mille Episcopo. Veruntamen re ipsa non multum recedere videtur hucusque à Garcia; cum & is expresse dicat n. 400. eumque sequentes libenter admittant, in casu non remanentia istorum centum peti posse reduci seu minimi pensionem, si ab initio remanebant illi 100. Dixi hucusque non multum recedere Castrop. à Garcia; nam ei, quod postmodum Garcias n. 403. tradit; nimirum, si computatis funeralibus & ingressu remaneat Rectori congrua, non posse cum petere reductionem pensionis, non obstante, quod tempore reservationis debent remanere Rectori centum in fructibus parochialis, ei inquam, directe contrarium assert Castrop. cit. n. 4, nimirum, illos centum, qui deducta pensione & oneribus remanente debent, non esse aliter computandos successu temporis, quam computabantur in principio, adeo que, cum à principio computabantur in fructibus certis beneficii, successu temporis sic quoque & non aliter, seu in aliis incertis computari debent. Item quod Garc. tradit n. 422, nimirum, si pensio ab initio ex consensu resignantis imposita in tanta quantitate, & non aliter, eam simpliciter fore nullam, dum postmodum tractu temporis decrecentibus redditibus, ea præstari non potest integra, remanentibus illis 100. Restorij quod in isto casu pensio sit individua, unde in minori summa deficit consensus resignantis, & consequenter consensus Papæ super illo consensu resignantis fundatus. Secusatum sit, si pensio reservata super beneficio vacante per obitum, vel alijs extra prædictum consensum conditionalem resignantis, nimirum, quod tune clausula illa: modo remaneant 100. Rectori: non operetur nullitatem pensionis, sed solum reductionem illius; hoc primum inquam directe improbat Castrop. l.c. n. 5. eti probet posterius; et quod ex hac Garcia doctrina sequatur, pensionem integrè solvendam, quamvis successu temporis nec 100. nec congrua remaneat titulari; durum autem sit, titularem obligatum esse, in servire beneficio absque stipendio justo ei à jure assignato. Ac proinde censer ipse, resignationem firmam esse; cum presumendum non sit, velle actum facere inutilem, & consequenter credendum est, velle (intellige, in casu decrecentia reddituum) ut resignatar remaneant ea, quæ illi à jure conceduntur, scilicet 100. Rectori & mille Episcopo, ne alijs haberet voluntatem iniquam & juri contrariam, quod presumendum non est. Ac ita tacite eum velle, ut in casu istius diminutionis fructuum pensio ad minorem, & juri proportionatam quantitatem reducatur. Plura de his in sequentibus, ubi de quantitate & reductione pensionis,

Questio 469. *Virum Abbatis consistorialibus, hoc est, quarum Abbates à Sede Apostolica suarum electionum confirmationem obtinere habent, sive quæ à Papa conferri debent, & in Consistorio à Papa providentur, ut Tamb. de jure Abb. to. i.d. 13. q. n. 4. imponi possit pensio?*

R Epondeo: Eam iis imponi non posse ab Ordinariis, seu auctoritate Ordinariorum; quia id est jurisdictionis episcopalnis, cui præstat Abbatis minimè subjiciuntur. Tamb. l.c. quin tamē illis imponi possit pensio à Papa, nullatenus dubitatur.

Questio 470. *An, & qualiter imponi possit pensio beneficii simplicibus, puta Canonicibus. &c.?*

R Epondeo primo: Beneficio simplici non excedenti 24. ducatos de Camera, non solere imponi pensionem. Azor. p. 2. l. 8. c. 8. q. 7. in fine, citans Mandol. de signat. gratia & just. tit. pensiones. Paris. l. 6. q. 2. n. 27. (qui tamen ait, se tempore Sixti V. vidisse servari contrarium, nimirum beneficio non excedenti valorem 24. ducatorum imponi pensionem) Ventr. to. 2. annot. II. §. 1. n. 39. in fine, Castrop. cit. §. 4. n. 2. Idem est de Canonici & dignitate nou excedente valorem centum ducatorum. Paris. n. 28. Castrop. Azor. ll. cit. Ratio horum est, ut inquit Castrop. quia a quinque est hoc reuenum summam relinqui pro alimentis beneficiati.

2. Respondeo secundò: Beneficio simplici, & in specie Canonici & dignitates excedentes hanc sumam, pro parte hujus excessus gravare solet Pontifex pensione. Castrop. Azor. ll. cit. Porro in qua quantitate servari possit in his pensiis, dicetur §. seq. An vero beneficia non excedentia quidem valorem 24. ducatorum, spectatis purè ac propriè fructibus, longè tamen illum excedentia spectatis proventibus quotidianarum distributionium, quæ pro interessatia in choro iis beneficiatis designa-